



重濬徒陽運河全案卷三

金壇縣知縣龔潤森溧陽縣知縣鄧秉乾謹稟竊照徒陽運河爲江浙糧艘經由要道定例每年小挑一次六年大挑一次從前歲挑工程均歸徒陽二縣承辦迨後添派壇溧二縣協濟嗣逢大挑之年又添派蘇松常太四府州屬各縣以及江北各州縣勻作十五段分挑徒陽壇溧四縣仍一體均派各外縣雇用河夫須由夫頭出具承攬認雇所雇係徒陽境轄之洲夫及大江以北之淮夫非若徒陽雇用洲夫其夫頭散夫俱係爲其所屬民人名名服其拘管可比大

約外縣雇夫一千名實數不過七八折夫數一浮其應給夫價飯食犒賞一切靡不浮多卽使按名查點清楚亦不能覈實發給緣夫頭每到一縣攬辦河夫自頭門外以至宅門各色胥吏人役鮮有不向其需索使費者其夫頭之薦頭尤甚竊聞一夫頭未經進門先須花用使費錢數百千及千餘帛不等積習相沿竟有牢不可破之勢該夫頭費無所出自不得不取給於州縣至工次每縣必設一局局有局費其在局辦公之書差丁胥站段家人亦無不視河工爲利藪任意冒銷用五銷十甚至决壩復築動輒冒銷錢

數百千祇因其時恰值辦漕之際各州縣未能駐工督辦多係另延幕友官親監司其事其官親幕友卽皆公正之人亦不過廉潔自持而已若輩人多勢衆稍不遂慾卽行唆令散夫赴局滋鬧不詐不休如此情形誰敢挑剔更有各衙門書差人等按局斂費年年加增數非細小以致外縣每派挑徒陽運河一次所領例價不敷總須捐賠銀六七八九千金不等而壇溧二縣歲歲幫挑賠累尤鉅若徒陽二縣工在本境所雇夫役又係本境民人呼應較靈諸用自可撙節豈外縣所可同日而語哉上年該河水勢較大荷

重刊河陽通河全案 卷三
二

蒙
藩臺洞悉弊源詳請

撫院

奏明擇要興挑責令丹徒一縣承辦陽壇溧等三縣均
邀免派此從來所未有卑職秉乾與丹陽練前令金
壇景前令莫不異口同聲至今感頌現在江浙回空
軍船指日南下該河卽須興工卑職秉乾回憶道光
十二年冬承挑第四段工程捐賠多金並不賠之於
工而填於胥吏丁役河夫人等之慾壑情有難甘卑
職潤森到任雖屬未久亦深知底蘊况蒙

憲明在上自無不可達之下情今會同通盤籌議與
其分辦虛糜捐款無益於工莫若合辦免設多局以
杜弊混卑職等管見所及應請小挑併歸丹徒一縣
承辦大挑責成徒陽二縣分辦仍按大小挑之年分
飭外縣津貼議定小挑之年津貼若干專歸壇溧二
縣捐解大挑之年津貼若干歸十三外州縣捐解如
此立定章程分別歸於徒陽二縣飭傳本境洲夫挑
空按大小挑工外縣各有津貼以資徒陽添補不特
大工可期悉歸實在且外州外縣設有虧缺庫款情
事亦不致以河工賠累藉口獲益良多總之是項工

重刊徐陽通河全案 卷三
程多派一縣卽須多設一局多設一局徒多一局糜費於工並無實濟用敢不揣冒昧聯銜會稟仰乞藩臺鑒覈俯賜轉飭蘇松常鎮太等府州會議詳覆示遵再卑壇溧二縣每逢小挑之年各願捐銀二千兩大挑之年應捐若干聽候議派不敢有違合併聲明

道光十四年十月十日具稟

江蘇布政使司陳鑾詳明事案奉

蘇撫部院林批金壇溧陽二縣會稟徒陽運河按大小挑工分別津貼工歸徒陽挑辦等情由奉批查徒陽運河歲挑工程從前是否均歸徒陽二縣承辦係於何年添派壇溧二縣協濟其大挑之年派蘇松常太四府州屬及江北各州縣勻作十五段分挑又係何年詳定本部院衙門已無案可稽今據稟此後小挑併歸丹徒一縣承辦大挑責成徒陽二縣承辦仍按大小挑之年分飭外縣津貼小挑之年歸壇溧二縣捐解大挑之年歸十三外州縣捐解等情是否可

行有無窒礙仰蘇州布政司會同常鎮道查明舊案通盤籌計卽行妥議通詳覈辦並將從前添派壇溧二縣協挑及大批之年添派蘇松及江北各州縣分挑原案錄送查覈至據稱各衙門書差人等按局斂費年年加增陋習相沿深爲可惡必應嚴行飭禁該司併卽轉飭徒陽等縣嗣後挑河如有上司衙門書役到局需索立即指名具稟以憑嚴究懲辦不許私行給費致干參咎繳稟抄發等因到司奉經飭府查議詳辦去後今據徒陽二縣會詳稱卑前丹徒縣張令正在會議詳覆間旋值卸事未及議覆卑職增稔

抵任會同卑職以絃弔查檔案參酌情形悉心會議壇溧二縣所稟分別津貼挑辦原爲撙節糜費起見第不思所以致費之由而專以分辨糜費舍本求末將數十年歷久相安之舊章一旦更改實有萬分窒礙難行之處敬爲憲臺一一陳之伏查徒陽運河爲江浙兩省漕船經行要道祇因該河直接大江潮汐浸灌每至水退沙停頻年淤塞挑濬工程始初編徵河夫錢糧係江浙蘇松常鎮太及杭嘉湖八府州屬統派後於雍正年間議裁編款復請動

帑繼自嘉慶四年以後卽係鎮屬之徒陽壇溧四縣承

挑議定江南二十二州縣按年攤捐貼補嗣因工料
飯食歲復加增嘉慶八九十一十三等年挑工除鎮
屬四縣外均奉添委二三員來鎮協挑迨於嘉慶十
四年又經定議增捐協貼銀一萬八千兩小挑之年
永遠責成徒陽壇溧四縣分挑如逢大挑之年蘇松
常太揚通六屬添委十一員加之鎮屬四縣共計十
五員分段承挑此乃數十年辦理舊章相安無異誠
以該處運河綿亘一百四十餘里如逢大挑必須分
段築壩集夫興挑歷來通工雇用夫役多係愚蠢之
徒督飭不嚴不特草率偷安亦恐逞蠻滋事故向來

大挑派十五州縣小挑派四縣分任其責俾各顧各
工不致顧此失彼遷延糜費今若大挑派分兩縣覈
計每縣統管七十餘里之長途冬令日短卽工次行
走一日尙難往回從中尤多稽查周折豈能管顧周
全此更改舊章實有窒礙難行者一也至於夫役一
層無論淮夫及本境民夫均須給發辛飯方肯應役
卽使徒陽多本境民夫豈有不發辛飯甘充役使之
人旣經給資役使卽爲我所雇用之人果有需索浮
冒可以指出弊源何難就近交付工員從嚴懲儆是
所屬民人不能勒派充役卽與外派之縣雇用無所

區別何所見而知本境可省外縣卽多浮冒若如外縣雇夫可以浮冒則本境雇工亦難免其以少報多此種浮冒虛糜事所常有正賴多分段落分任責成嚴密稽查不使一夫偷安草率浮冒糜費方期工歸實用並非專歸徒陽二縣承辦轉可樽節之理此更改舊章實有窒礙難行者又其一也至若外派州縣時值漕務未能駐工督辦則本境之徒陽兩邑亦有漕務同時舉辦外縣之不能駐工親督與本境人員事無二致且查向來派委章程歷將有驛之縣詳定免派以均勞逸今徒陽均有驛站祇因工落本境未

邀免派是以數十年來無論大小挑工程總與同屬之壇溧四縣均勻承辦在大挑之年工長費鉅固需添派十一縣幫辦卽小挑年分設遇河水淺涸停淤過厚有此四縣分辦尙慮不能兼顧故嘉慶十九及道光三年等屆小挑均有添派數縣幫辦之案其時各上憲亦靡不悉心查察然後準行若皆藉口賠累意存推諉則將來添派外縣更有可以措辭請免以一百四十餘里之工段設竟小挑歸一縣大挑歸二縣卽有明幹熟諳河工之員身任其事恐亦不能保其不致貽誤若謂上年小挑卽係丹徒一縣承辦未

見誤事殊不知上年之江湖來源較旺河水本屬深
通客水又復充足實爲歷來所未有是以改辦小挑
擇要挑撈從權辦理豈能援以爲例况江湖大小全
在天時風色向無一定人所共知卽如今歲河身尺
寸比較上年水勢相去不啻倍蓰若可兩縣辦理直
令巨屨小屨同價卽有人力亦恐難望於天時此更
改舊章實有窒礙難行者又其一也至於通工所需
費用更屬萬難預定緣河工一事半賴天時半資人
力苟能兩相湊合工用卽可節省設遇雨雪稽阻則
多延一日卽多一日之費用是以工費或可按段約

計獨天時之晴雨不能預知人事之勤惰亦難逆料
儻或派款多而工用少則承挑之員固所樂從如其
幫款少而工用不敷則又當如何辦理此更改舊章
實有窒礙難行者又其一也卑職增稔雖未經身親
其事而卑職以紱曾於十二年奉委幫挑深悉其中
梗概現自奉札以來連日弔覈卷案再三籌畫思所
以節糜費慎要工之處實惟循舊章而認真舉辦方
克免誤蓋立一法必有一弊但當循法以去其弊不
當因弊而廢其法壇溧所稟似未免祇爲己身脫卸
之計不知大局所關數十年來如可更張前人應已

早更斷非卑徒陽二縣所敢獨認其事致將來貽誤於臨時不若陳明於先事所有壇溧二縣議請小挑歸卑丹徒一縣承辦大挑責成徒陽二縣承辦預定捐貼諸多窒礙實難遵守應請循照舊章小挑之年責成鎮屬四縣分段承挑大挑之年仍歸十五州縣分段承挑俾得衆擎易舉各有責成不致顧此失彼貽誤要工緣奉飭議相應會議瀝情詳覆仰祈鑒覈轉詳深爲公便至奉飭錄舊卷實因事遠年湮官吏迭更難以追溯應請邀免錄送等情到司據此本司查徒陽運河從前分別小挑之年議令鎮屬四縣承

辦大挑之年添委外屬十一員分挑原因就例給部價及派捐協貼之項使各縣分任其事以期衆擎易集迨派辦之員各有本任公事勢難親赴工所或委佐雜或令丁屬經理於是弊生費鉅咸稱賠累究其致累之由不因工價不敷乃緣多方糜費前據壇溧二縣稟請此後小挑併歸丹徒一縣承辦大挑責成徒陽二縣承辦仍按大小挑之年分飭外縣津貼小挑歸壇溧二縣捐解大挑歸十三外州縣捐解等情覈其稟敘情形係爲節省浮費工歸實在起見且據聲明大小挑之年分別捐解協貼是徒陽二縣祇

須專任其勞並不令獨受其累儻賢有司公爾忘私稔知外縣因本境河工代爲受累亦當奮發有爲實心任事乃該縣等毫不顧及大局率以舊章不可更改一語爲準列條詳覆殊不知徒陽運河挑工昔係民辦繼請

帑項嘉慶四年始定協貼六年又議派員分挑前人旣屢更舊章今昔情形又有不同獨不可再行改議乎總之此項挑工併歸承辦則須任勞欲刪除浮費則須任怨苟無任勞任怨之心祇就一己之私力辭推諉成何事體本司籌顧全局如果工歸實濟費不虛糜且可無損於此而有益於衆者自不能聽其率意一詳卽爲了事現在

撫院親臨該境勘估工段并先於司庫動解銀一萬兩解送

行轅聽候發給應用該縣等各宜自揣果能以公事爲重亟應趕緊定議詳請興挑否則卽將不能承辦緣由據實通詳以憑另行酌辦除批府嚴飭徒陽二縣遵照指飭再行悉心籌議通詳并移常鎮道一體飭遵外相應具文詳明伏候

鑒覈

道光十四年十一月十五日詳

江蘇布政使司陳爲札飭事奉

蘇撫部院林憲札照得徒陽運河本年應行大挑必須覈實辦公嚴除積弊現經本部院新定章程十八條除札發常鎮道刊頒在事各官並曉諭胥役泥夫入等一體凜遵辦理外查本屆大挑原應查照舊章分調壇溧二縣及外屬十一州縣承辦茲本部院特加體卹概免調工統歸徒陽兩縣承領挑辦但該工例價不敷賠累甚鉅徒陽兩邑獨力難支所有免調到工之員應出承挑工費仍當由司覈明令其隨同年額應解協貼一併解司斷不容遲合亟抄錄條款

札發札司立即查明應派幫挑各縣覈定應出承挑
工費數目飛飭遵照令其隨同額捐協貼速卽按數
解司務於開工後一律解齊一面由司轉發工員領
辦具報此係運河工需緊款待用孔亟儻各屬拖延
不解立即詳請撤任以儆玩誤切毋稍任刻遲火速
等因到司奉此本司伏查徒陽運河年額應捐協貼
銀兩係由長洲吳縣震澤常熟昭文崑山新陽奉賢
婁縣金山上海南匯青浦陽湖金匱江陰宜興荆溪
靖江太倉鎮洋嘉定等二十二州縣捐解給領大挑
之年向係徒陽壇溧四縣并於蘇松常太揚通等屬

內添委十一員共十五員分段承挑小挑之年由徒
陽壇溧四縣承挑今屆大挑現奉

撫院新定章程免調壇溧二縣及外屬十一州縣統
歸徒陽兩縣承領挑辦但該工例價不敷賠累甚鉅
徒陽兩邑獨力難支所有免調到工之員應出承挑
工費自應先行勘估挑撈工程實需報

部例價若干覈見不敷工費若干按照向年大挑十
五員分辦每員應派不敷若干至壇溧二縣向係承
挑工段並無年例捐款今應如何派捐不敷工費之
處亦應一併定議通詳察辦合就札飭札到該府立

重刊行... 卷三
卽遵照督同徒陽二縣速將本年挑撈工程搏節確
估實需報

部例價若干開摺先行通詳以憑會覈詳

奏一面由府速將不敷工費若干按照向年大挑十五
段分辦每員應派不敷若干限文到卽日由府覈實
確數開摺送司立等酌派捐解以濟工需均毋刻延
道光十四年十二月十六日札鎮江府

江蘇布政使司陳鑾分巡常鎮通海道李彥章爲大
挑徒陽運河詳請具

奏事竊照鎮江府屬丹徒丹陽二縣運河爲江浙兩省
糧艘經由要道朝夕江湖灌注挾沙而行更兼兩岸
土崖高陡坍塌入河易致淤淺向例每年小挑六年
大挑一次以利漕運今查道光六年大挑之後道光
十二年輪屆大挑察看水勢不致十分淺澀議改小
挑道光十三年水勢充足仍辦小挑在案本年運河
水勢先經本司道飭行勘辦去後茲據鎮江府詳稱
飭據丹徒縣申稱遵於小汛期內帶同河兵弓篋人

等親詣河干自江口起至徒陽交界止逐段悉心測探自江口起至丹徒橋河長三千七百六十五丈又自東壩起至越河上河長一千二百六十丈又自桃莊營房起至辛豐鎮河長一千二百四十丈又自三圈橋起至界碑止河長六百六十丈又利涉橋支河一百五十丈較驗水勢應請一律開挑共計挑工七千七十五丈又江口壩外以及越閘下等七處計長五百四十丈間段淺澀應請估撈連逐段切灘並更換各閘板繩等項約估土方夫工銀二萬二千七百八兩四錢二分九釐相應開具擬估水勢各摺詳請

覆勘轉請分段興辦至應築丹徒橋上尾大壩請照歷屆舊章在於橋下老壩基堵築合並詳明又據丹陽縣畢令申稱遵於小汛期內帶同弓簞人等親詣境轄運河自徒陽交界起至武陽交界止逐段悉心測探自定山灣起至老新涵河長一千二百丈又自中心河起至東門橋上止河長一千二百丈又自涵口起至青陽舖上河長八百丈較驗水勢應請估挑又備用涵等二十六處計長一千三十丈擬用估撈共估挑撈以及切灘築壩需銀八千三百三十三兩五錢七分九釐開摺申請勘辦各等情前來卑署府

隨卽督率徒陽二縣逐段覆加查勘緣徒邑運河爲江浙兩省漕艘經由要道水無來源全藉江潮灌濟每日兩潮夾沙而進潮去沙停以致河身節節淺澀本年應請大挑如江口至丹徒橋一帶中有古淺走砂活乳水涸卽形顯露故逐年均應挑挖其餘以下至丹陽境內擇其最淺處所分別挑撈以資來春重運暢行無滯茲勘得丹徒縣境內自江口壩內起至丹徒橋上止河長三千七百六十五丈又自東壩起至越河上止河長一千二百六十丈又自桃莊營房起至辛豐鎮止河長一千二百四十丈又自三圈橋

起至界碑止河長六百六十丈間隔四段共河長六千九百二十五丈俱屬淤淺應請築壩開挑又江口壩外并鴨蛋行等十九處各有陽灘共長一千一百二十丈應於挑口之外一律估切又江口壩外難以築壩應同越河下等共七處計長五百四十丈估用甬撈又運河西閘下迤北利涉橋支河直達大江計長一百五十丈應一併開通引潮濟運以上運支二河挑撈築壩切灘以及修換各閘板繩共估需銀二萬二千七百八兩四錢二分九釐丹陽縣境內河道寬平雖沙流稍輕惟自定山灣至老新涵河長一千

二百丈又自中心河起至東門橋上河長一千二百丈又自涵口至青陽鋪上河長八百丈三段共長三千二百丈比較水勢已形淤墊應請築壩開挑又各段內計五處各有陽灘計長二百二十丈應於挑河之外估切又備用涵等二十六處計長一千三十丈水勢零星淺澀應估甬撈共估挑撈築壩切灘需銀八千三百三十三兩五錢七分九釐統計徒陽兩境共估銀三萬一千四十二兩八釐卑署府逐加確覈均應分別挑撈所估土方價值亦與例相符開摺詳祈覆勘照估動辦築壩與挑再應需工價除動支樂

生洲本年額徵銀五千八百一十二兩五錢三分一釐其不敷銀二萬五千二百二十九兩四錢七分七釐請於司庫撥給等情到司道據此本司道覆加覈勘與該府縣詳估無異查丹徒縣境內自江口壩內起至丹徒橋上止河長三千七百六十五丈又自東壩起至越河上止河長一千二百六十丈又自桃莊營房起至辛豐鎮止河長一千二百四十丈又自三圈橋起至界碑止河長六百六十丈間隔四段共河長六千九百二十五丈俱屬淤淺應請築壩開挑又江口壩外并鴨蛋行等十九處各有陽灘共長一千

二百二十丈應於挑工之外一律估切又江口壩外
難以築壩應同越河下等共七處計長五百四十丈
估用甬撈又運河西閘下迤北利涉橋支河直達大
江計長一百五十丈應一併開通引潮濟運以上運
支二河挑撈築壩切灘以及修換各閘板繩共估需
銀二萬二千七百八兩四錢二分九釐丹陽縣境內
河道寬平雖沙流稍輕惟自定山灣至老新涵河長
一千二百丈又自中心河起至東門橋上河長一千
二百丈又自涵口至青陽鋪上河長八百丈三段共
長三千二百丈比較水勢已形淤墊應請築壩開挑

又各段內計五處各有陽灘計長二百二十丈應於
挑河之外估切又備用涵等二十六處計長一千三
十丈水勢零星淺澀應估甬撈共估挑撈築壩切灘
需銀八千三百三十三兩五錢七分九釐統計徒陽
兩境共估銀三萬一千四十二兩八釐覈與定例均
無浮冒似應俯如所請準其照估動項與辦俾重運
經臨暢行無滯至應需工價本司道查有丹徒縣樂
生洲租息銀五千八百一十二兩五錢三分一釐堪
以儘數動支尙應需銀二萬五千二百二十九兩四
錢七分七釐在於司庫存公各款銀內動給卽飭丹

徒丹陽二縣承挑業將江口大壩於十月二十六日
堵閉合龍除飭趕緊排車戽水如式興挑外相應會
詳伏候 恩 賜 正 千 八 百 一 十 二 兩 正 錢 一 萬 一 千 兩

兩院鑒覈覆勘會

奏實爲公便

道光十四年十二月二十五日具詳

江蘇布政使司陳爲札飭事照得本年大挑徒陽運
河奉

院新定章程嚴除積弊免調外屬州縣赴工統歸徒
陽兩縣承挑所有例價不敷仍令隨同年額應解協
貼一併解司轉給領辦等因當經札飭鎮江府覈數
開摺送司覈派去後現在回空軍船已經過竣亟應
趕緊挑濬未便再延查本年挑撈工程計共需銀十
萬餘兩除例給

部價三萬一千餘兩年例協貼一萬八千兩仍不敷
銀五萬餘兩查向來大挑係添派蘇松常太揚通等

十一員幫辦今本司面奉

撫院酌商除揚通二屬移會江藩司酌派銀一萬兩
外至蘇松常鎮太五府州屬酌派銀四萬兩應按十
股分派內嘉定縣一股銀四千兩寶山縣一股銀四
千兩上海縣一股銀四千兩昭文常熟共一股內派
昭文縣銀三千兩常熟縣銀一千兩陽湖新陽共一
股內派陽湖縣銀三千兩新陽縣銀一千兩金匱南
匯共一股內派金匱縣銀三千兩南匯縣銀一千兩
金壇溧陽江陰合共二股內派金壇縣銀三千兩溧
陽縣銀三千兩江陰縣銀二千兩崑山奉賢二縣合
一股銀各二千兩青浦宜興二縣合一股銀各二千
兩以上共銀四萬兩查徒陽運河於十二年分卽應
大挑今旣展緩兩年所省已多又奉

撫院新定章程刪除一切浮費不令派挑之員赴工
僅議貼費銀兩尤屬格外體恤各該令務須激發天
良踴躍趕解現在工需緊迫待用孔殷勒限於文到
五日內全數解清儻敢觀望遷延貽誤要工必當撤
任參辦合就札飭札到該縣卽遵照速將應解運
河工費銀兩於文到五日內全數填批解司立等兌
收轉發工需緊要儻敢故違本司惟有從嚴參辦決

不姑寬凜之

道光十四年十二月二十七日札蘇松等五府州并嘉定寶山上海昭文陽湖金匱金壇溧陽崑山奉賢青浦宜興新陽常熟江陰南匯等十六縣

江蘇布政使司陳爲移會事照得本年大挑徒陽運河奉

院新定章程嚴除積弊免調外屬州縣赴工統歸徒陽兩縣承挑所有例價不敷仍令隨同年額應解協貼一併解司轉給領辦等因當經札飭鎮江府覈數開摺送司覈派去後現在回空軍船已經過竣亟應趕緊挑濬未便再延查本年挑撈工程共需用銀十萬餘兩除例給部價三萬一千餘兩其餘不敷甚鉅查向年大挑係添派蘇松常太揚通等屬十一員幫辦今本司面奉

撫院酌定蘇屬各縣按股飭派所有揚通二屬向派
二縣承挑今應派出工費銀一萬兩所派銀兩各該
令務須踴躍趕解以濟工需緊迫除勒限蘇屬飭派
各縣於文到五日內將所派銀兩全數解清儻敢觀
望遷延貽誤要工卽應撤任參辦並詳明兩院憲外
合就移會並將章程冊移送爲此合咨貴司煩爲查照希將
貴屬應派工費銀一萬兩卽飭按數解蘇立等轉發
濟用工需緊迫幸勿任延望速望速

道光十四年十二月二十七日咨

江蘇布政使司陳爲詳明事奉

蘇撫部院林批本司詳酌派道光十四年大挑徒陽
運河工費銀兩一案緣由奉批查徒陽運河大挑之
年向派十五州縣駐工分辦本年底水乾涸工程尤
大原應照舊分派赴工承挑經本部院明定章程概
免調工均歸徒陽二縣承辦係屬格外體卹茲該司
議由江屬派捐銀一萬兩蘇屬嘉定等縣共派銀四
萬兩隨同年額應貼銀兩勒限解司轉發等情較之
歷屆調工糜費所省甚多所有該州縣等應解銀兩
自應如詳勒限掃數解清以濟要工未便稍任延誤

仰卽嚴催該州縣等將前項協貼運河挑工銀兩勒
限於正月初五日以前掃數解司俾濟急需並發去
章程二十本轉給派捐各員閱看遵照如有觀望遷
延立卽調往工次責令挑辦並撤任候參以爲玩公
者做仍將銀兩起解兌收日期飛速馳報察覈並卽
移會江藩司將江屬應派銀兩迅速一體酌派勒限
解蘇均毋違延并候

督部堂批示繳等因到司奉此查此案酌派各縣銀
兩前於具詳時卽經札飭趕解在案今奉前因合發
章程開數飛飭札到該縣等立卽遵照後開銀數限
於正月初五日以前掃數解司俾濟急需儻敢觀望
遷延定遵

院飭調工參辦不稍寬貸先將起解的期馳報

道光十四年十二月三十日札

江蘇布政使司陳爲札飭事準常鎮道咨開竊照大挑徒陽運河先經本道遵奉

撫院新定章程分飭遵辦將丹徒境內先辦之江口起至丹徒橋挑工三千七百餘丈分爲五段遴委陽湖縣主簿沈起鯨高家司巡檢莫如柏丹徒主簿王慶瑞候補主簿李國璜陞補瓜州巡檢橫越閘官胡念祖江防營甘江汛把總王裕委用縣丞王直瀾安港司巡檢陳之瑩華亭縣丞孫琬丹徒司巡檢和中育駐工監督並專委試用布理問吳廷榕經管總局事務詳明在案現據該縣等稟報已於十二月二十

七八日一律開工惟丹徒鎮以下至丹陽境內挑工旋經飭委候補縣周恭壽前往確估據該令勘覆自丹徒東壩起至徒陽交界止共河長三千八百餘丈現亦分派六段遴委由蘇解餉來鎮之試用從九武鈞試用未入蔡肇基白茆司巡檢林觀光試用從九李式瑯暨瓜州巡檢現署丹陽縣丞黃曙本任丹陽縣丞孫節勳等六員監挑其丹陽境內挑工亦經周令估報應仍責令丹陽縣畢令一手總辦隨據該署縣畢以紱稟舉請以丹陽主簿汪鈺包港司巡檢董時輔呂城司巡檢鍾岳署丹陽汛把總徐廷貴四員

由縣自行勻派四段監挑等情本道當卽分別檄飭承辦並因此次挑工雖係責成徒陽兩縣總辦但自丹徒鎮起至丹陽境內止工段綿長似宜專委查催之員方臻妥速查候補縣周恭壽前於道光六年曾經總催徒陽河務最爲熟悉情形近因解銅京旋已由本道畱工差委令卽將丹徒下段及丹陽境內各段委令總催以資熟手又查前奉

撫院

奏明責成原估之署鎮江府知府王用賓雖卸署篆仍令一手經理可期得力等因抄摺行知在案今該牧

已卸鎮江府篆本道現又加札專委常川駐局總理
奏工務來往徒陽兩境分別催辱催挑嚴察挑工分數
按日逐一量驗稟報本道覆往驗收仍隨時親督僱
辦總期事事覈實妥速完竣以利運道而重要工合
將先後派委銜名咨請查照等因到司準此查試用
從九武鈞業經詳委接署無錫縣高橋司巡檢在案
準咨前因合就札飭札到該府立即嚴催徒陽二縣
暨總局委員并各段委員速將應挑各工乘此天晴
趕集人夫漏夜加緊僱挑務使一律深通一俟工竣
稟請

撫院按臨驗收毋許稍有草率偷減亦不得片刻延
誤仍將挑過工次隨時通報查考
道光十五年正月十七日札鎮江府

江蘇布政使司陳鑾爲遵批呈覆事奉

蘇撫部院林批前署鎮江府王用賓候補理問吳廷
榕金壇縣蕭蔭恩具稟大挑徒陽運河各局總共支
用挑撈工費銀數情由奉批據稟此次大挑徒陽運
河工程各局共用紋銀六萬五千九百餘兩均係實
用實開並無浮捏較比歷屆有減無增除領用

部價照例造冊報銷外其動用捐貼數目可否免其
報銷等情仰蘇州布政司會同常鎮道覈明具覆飭
遵至該工向例協貼及此次酌派攤捐銀兩統共若
干除現在撙節用度之外仍存若干應畱爲何項經

費之用亦卽妥議詳奪再該委員等所稱酌給院司道府各衙門書工銀一千零八十五兩究竟每處應給若干現存何處如何解給並卽查明具覆此繳册存等因到司奉此並準常鎮道咨據該府等具稟前情由道轉詳請免報銷聲明存贖派挑工費俟委員勘估修理張官渡呂城南薰各閘等因又準另移徒陽二縣開報墊用挑挖支河撈淺拉挽各費於工費項下給發各等因前來查道光十四年大挑徒陽運河共估

部價銀三萬一千四十二兩八釐前經動放八成銀

二萬四千八百三十三兩六錢六釐內扣收二分平市銀四百九十六兩六錢七分二釐實放過

部價銀二萬四千三百三十六兩九錢三分四釐其年例協貼共銀一萬八千兩內扣收四分平市銀七百二十兩前經先後放發銀一萬六千三百二十八兩七錢六分又查嘉慶二十二年運河刪減銀兩係詳定在於運河協貼內分年提扣除提過外尙有未扣銀四百一十九兩三錢四分九釐此項減銀業奉

大部

奏催今應於內提扣清款報

部完案計該找發協貼銀五百三十一兩八錢九分一釐此次挑河共實動用年例協貼銀一萬六千八百六十兩六錢五分一釐又攤派各縣津貼工費共銀五萬兩覈該支銷銀二萬五千七百五十七兩三錢六分二釐內應扣收四分平市銀一千三十兩二錢九分四釐實動用銀二萬四千七百二十七兩六分六釐以上共符各局銷用銀六萬五千九百二十四兩六錢五分一釐之數實在淨存司府庫餘贖津貼工費銀二萬四千二百四十二兩六錢三分八釐似應俟委員勘估修閘需用銀數另行詳辦至

題覆準再取報銷冊詳請

題咨俟奉

部價一項除放八成之外尙畱二成銀六千二百八兩四錢二釐應照向例先造估冊詳

大部準銷方能找給其中有無刪減無從預計且現距報銷之期尙遠似難抵作修閘之用奉批前因除移行分別勘估詳辦並查明具覆外相應具文呈覆伏候

鑒覈

道光十五年二月二十七日呈

欽定大清會典事例

卷三

河渠

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

河渠通志卷三

題銷事案奉

江南蘇州等處承宣布政使司牛鑑分巡常鎮通海道伊克精額為報銷道光十四年大挑徒陽運河工程造冊詳請

宮保總督部堂陶憲札內開道光十七年四月二十

二日準

工部咨都水司案呈工科抄出署理兩江總督江蘇巡撫林則徐等題丹徒丹陽二縣道光十四年冬挑撈運河並築壩等工需用銀兩造冊題估一案道光十六年十一月初十日題十七年正月二十二日奉

旨該部議奏欽此欽遵抄出到部該_臣等議得署理兩江總督江蘇巡撫林則徐等疏稱道光十四年冬大挑丹徒丹陽二縣運河工程前經勘估會奏辦理今據署蘇州布政使積拉明阿會詳據鎮江府詳據丹徒丹陽二縣將實估工料銀三萬一千四十二兩八釐造冊繪圖詳送前來請在於樂生洲租息及司庫存公款內動給相應轉造冊圖詳候具題_臣覆覈無異除冊圖送部查覈外_臣謹會同護理江蘇巡撫印務蘇州布政使_臣怡良合詞具題等因前來查江蘇省丹徒丹陽二縣道光十四年冬挑撈運河並築壩等

工先據江蘇巡撫林則徐等先後奏明鎮江府屬丹徒丹陽二縣運河爲江浙兩省空重漕船經由要道例於每年回空後擇淺挑撈至六年大挑一次道光十二年輪屆大挑因底水尙充改作小挑十三年仍照小挑估辦本年河道極爲淺澀自應循例大挑茲回空過竣將通河挑撈工段飭令道府督同兩縣逐一測量計丹徒縣境內自江口壩內起至界碑止四段工長六千九百二十五丈俱屬淤淺應行估挑又各段內陽灘工長一千一百二十丈應於挑工之外一律估切又江口壩外並越河下至倒缺橋等七處

共長五百四十丈應估留撈又運河西閘下利涉橋支河一道計長一百五十丈應一併開挑以上挑撈切灘及築壩修換閘板繩索共估需銀二萬二千七百八兩四錢二分九釐又丹陽縣境內定山灣起至青陽鋪上止三段共長三千二百丈應行開挑又各段內陽灘共長二百二十丈應行估切又備用涵起至呂城茶庵等二十六處共長一千三十丈應行留撈計需挑撈切灘築壩等工銀八千三百三十三兩五錢七分九釐統計徒陽兩縣各工共銀三萬一千四十二兩八釐由蘇州藩司陳鑾查明動支樂生洲

租息銀五千八百一十二兩五錢二分一釐其餘銀二萬五千二百二十九兩四錢七分七釐在於司庫存公銀內動給等因在案今據該署督將前項丹徒丹陽二縣挑撈運河並築壩修換閘板繩索等項共需銀三萬一千四十二兩八釐造冊題估臣部查係

奏明挑撈之工應準其辦理惟查冊開挑河土方並築壩工料銀兩均有浮多不符之處應於原冊內粘簽註明鈐印發還該督轉飭據實查明刪減另造妥冊送部具題覈銷至動支樂生洲租息及司庫存公銀兩辦理之處應行文戶部查照道光十七年三月

初八日題本月初十日奉

旨依議欽此為此合咨前去欽遵施行等因並册到部堂

札司奉經轉飭按册查明聲覆刪減另造妥册覈明

詳請

題銷去後今據鎮江府詳據丹徒縣詳稱遵查奉駁所

挑乾土以各段散數合總覈算計多乾土一百方飭

令查明刪減一層卑職等遵經督承逐加覆覈該第

七十二段大瀆山至狗兒廟河長一百三十丈挑深

四尺以歷屆大挑運河挑深四尺準銷乾土成案覈

算每丈計挑乾土二方六釐二毫五絲是年大挑第

五段挑深四尺原估乾土數目是其明證覈計第七

十二段共該乾土二百六十八方一分二釐五毫前

次估册內誤寫乾土一百六十八方一分二釐五毫

以致總數不符今於

題銷册內更正應請仍照原估乾土一萬三千九百九

十二方七分五釐總數

題銷礙難刪減至簽駁壩工一節計應刪減銀三兩一

釐查是年卑徒陽兩縣釐估工料銀三萬一千四十

二兩八釐今減去銀三兩一釐實請銷土方物料夫

工銀三萬一千三十九兩七釐造具報銷確册由府

詳送到司道據此該蘇州布政使牛鑑分巡常鎮通海道伊克精額會查得道光十四年大挑徒陽運河工程估需工料銀兩前經造冊詳蒙

題咨奉準

部覆前因轉飭遵辦今催據鎮江府詳據丹徒縣查明以奉駁所挑乾土覈算計多乾土一百方飭令查明刪減一層覈係估冊內誤寫以致不符今於冊內更正請照原估乾土一萬三千九百九十二方七分五釐總數覈銷礙難刪減至簽駁壩工一節計應刪減銀三兩一釐實請銷土方物料夫工銀三萬一千

三十九兩七釐造具報銷確冊由府送轉前來本司道覆加會覈無異所有是年運河原估工料銀三萬一千四十二兩八釐今遵駁刪減銀三兩一釐實請銷銀三萬一千三十九兩七釐應請準其在於樂生洲租息及司庫存公銀內照數開銷相應轉造司冊詳送伏候

憲臺會覈

題銷並賜咨移

戶部並書

工科暨 陝西道查覈

呈乞禮部刻西嶺查疆州布政使司監分巡常鎮通
照詳施行須至書冊者 道光十四年大挑徒陽道河

題計呈送報銷冊一本 前經造冊詳蒙

道光十八年七月十四日

籍我刑刑

轉飭遵辦今據鎮江府...

將原息及同車奇公賬內照樓開備...

餘銀三萬一千三百...

一千四十二兩八釐...

...

...



